

**MASSIOT (Jean), notaire royal de Toulouse (1566-1593), second registre des insinuations de la sénéchaussée de Toulouse (1586-1587), f° 683 (v°) & ss., Archives départementales de la Haute-Garonne, cote 5 B 4, vue 697/829.**

Au nom de dieu scaichent tous

presans et advenir que l( )an de grace **mil cinq cens quatre vingtz six**  
et le **dix huictiesme** jour du moys de **novembre** apres midy regnant tres chre(tie)n  
prinse henry par la grace de dieu roy de france et de poloigne en **th(oulose)** dans  
la **mayson du sieur de( )la( )terrasse** en la presance de moy notaire royal et  
tesmoingz baz nommes ont este presans en leurs personnes les parties  
soubz escriptes lesquelz de leur gred ont faictz et accordes les pactes  
de mariage que s( )ensuivent pactes de mariage faictz et accordes

.....  
vi<sup>c</sup> lxxxiiii

au nom de dieu et( )de( )la( )sanctissime trinite entre noble **jehan de**  
**bonnefoy escuyer seigneur de bilheres** pour soy et dame **marye remond**  
**vefve a feu m(onsieu)r de( )la( )terrasse con(eill)er du( )roy en son con(s)e(i)l prive et m(aître)**  
**des requestes ordinaire de son hostel** ensemble avec m(onsieu)r m(aître)  
**jean poutier aussy seigneur de( )la terrasse et m(aître) des requestes ordinaire**  
**de l( )ostel du roy** pour et au nom de damoysele **martre de poutier filhe**  
**et seür** desdictz contractans premierement est accorde que ledict  
mariage se solempnisera en face de sainte mere esglize entre lesd(its)  
jean bonnefoy et martre de poutier a la premiere requisition de l une desd(ites)  
parties et pour supportation des charges dudict mariage led(it) sieur  
potier constitue a( )ladicte damoysele marthre sa seur la somme de **neuf**  
**mil livres** suyvant ce qui est pourte par **le testament dudict feu**  
**sieur de( )la( )terrasse** son pere dont sera paye audict sieur de bonnefoy  
la veilhe des nopces la somme de cinq mille livres scavoir quatre mille  
livres en argent comptant et mil livres pour les robes bagues  
et joyeaux qu( )elle ]huy[et les quatre mille livres restans dans ung  
an apres pour ra(is)on desquelles cependant led(it) sieur poutier a  
obliges et ypoteques tous et chescuns ses biens audict sieur de  
bonnefoy lequel sera tenu de orner et dourer ladicte damoysele  
de tous aultres acoustrementz et joyaulx a elle convenables faire la  
feste des nopces le jour d icelles a laquelle futeure expouse  
oultre ce dessus ladicte dame remond sa mere a donne et donne  
tous les bagues et joyeaux qu( )elle luy a cy devant achaptes et bailhes  
montant la somme de cent cinquante escutz sans que luy  
puissent estre precomptes sur ses droictz que luy competeronz  
ez biens de ladicte dame moyenant laquelle somme de neuf  
mil livres ladicte damoysele marthre de consantement dud(it)

.....  
sieur de bonnefoy son futeur expoux quicte dors et desja  
tous droictz de legitime et aultres que luy pourroient appartenir  
sur les biens dudict feu sieur de( )la terrasse son pere saufz droict de  
futeure succession plus est accorde que suivant les uz et coustume  
de( )la presant ville de th(oulose) advenant le predecez de( )ladicte dam(ois)elle

sans enfens ledict sieur de bonnefoy gaignera ladicte somme de huit mille livres a luy constituee comme aussy au contraire led(it) sieur de bonnefoy sera tenu augmenter ladicte dot de la somme de quatre mil livres au proffit de ladicte damoyselle faysans en tout la somme de douctze mille livres pour laquelle en ce caz il oblige tous et chescuns ses biens ]presans[ quant bien ladicte somme entiere constituee en dot ne se treuveroict luy avoir este entierement payee et aussy ledict sieur constituant affaulte de payer lad(ite) somme aux termes susdictz promet payer les intherestz des sommes restantes du jour du terme escheu a rayson du denier douctze oultre lesquelles sommes ledict sieur de bonnefoy pour les bons et agreables services qu( )il espere recepvoir de( )ladicte damoyselle durant leur dict mariage au caz il decederoict sans enfens luy faict donation de la domme de cinq cens escutz qu( )il veult luy estre paye sur ses biens soubz mesmes obliga(ti)ons que lesd(its) dot et augment et sy ledict sieur de bonnefoy predecedoict ladicte damoyselle survivante jusques a tant qu( )elle soict payee des susd(ites) sommes vivant viduellement luy sera bailhee pension de huit cens livres chescun an payables de six en six moys quatre cens livres et oultre ce habita(ti)on meubles convenables suyvens sa qualite plus pourra ladicte damoyselle tester et disposer tant pour son ame que au(tr)ement jusques a( )la somme de mil livres ensemble de ses robbes bagues et joyeaux qu( )elle aura audict temps soict que( )luy ayent este donnees par sondict mary ou au(tr)es

.....  
vi<sup>c</sup> lxxxv /

sy donne ledict sieur de bonnefoy la moytie de tous et chescuns ses biens presans et advenir en faveur des enfens masles decendants dudict mariage ou de( )l( )ung d( )iceux tel que luy plaira choysir et( )nommer et au caz ne y auroict point de mesles mais seullement des filles promet dotter l(e)une d icelles telle q(ue) luy plaira nommer et choysir de la somme de deux mil escutz encores que sa legitime ne montat ladicte somme lesquelz susdictz pactes lesdictz futeurs expoux ensamble ledict sieur de( )la terrasse ont promis tenir garder et accomplir chescung pour son regard de point en point selon sa forme et teneur et a( )ce faire ont obliges et ipotheques respectivement tous et chescuns leurs biens presans et advenir que ont soubzmis aux forces et rigueurs de toutes courtz et scelz du presant royaulme par chescune desquelles veullent estre constraintz par prise et vante desd(its) biens renonceant a toutes exceptions et droictz par lesquelles pourroient venir au contraire et ainsin l( )ont jure sur les saintz evangilles de dieu et a ce que lesd(its) pactes soyent insignues et autorizes en ce que contiennent donation lesdictz sieurs de bonnefoy et de poutier futeurs expoux ont faitz et constitues leurs procur(eurs) en la court de monsieur le sen(ech)al de th(oulouse) m(aîtr)e dominique maratuech et ramond lavaur et aultres procur(eur)s dudict si(e)ge ausquelz respectivement ont donne et donnent plain pouvoir requerir et consantir a ladicte insignua(ti)on et authoriza(ti)on promettans soubz

mesmes obligations submissions et serment avoir le tout pour agreable  
ez presances de messieurs m(aîtr)e francois de gargas gabriel de sabatier  
et de saint martin seigneur de roquellay francois de sabatier gabriel de  
sabatier seigneur de( )la brede francois de papus et jaques de papus  
con(seill)er du roy en la court de parlement a th(oulouse) monsieur m(aîtr)e

.....  
francois de bonnefoy seigneur de rousac secretaire du roy jaques  
de bonnefoy seigneur de montauriol m(onsieu)r m(aîtr)e sicard de garaud advocat  
en la court messires michel de sabatery abbe de s(ain)t *sene* germain  
de sacalery prevost de lombes messire rene bertier s...es...en de  
rieux m(onsieu)r m(aîtr)e jean de mansencal advocat en la co(ur) soubzsignes  
avec lesdictz parties m. remon potier / jean de bonnefoy / f / de gargues  
martre potie / de sabatier / de sabatier e(t) saict martin f sabatery  
sabatery / de( )sabatery et saint *sene* f papus / j papus / de( )garaud  
sabatier sacalery de( )bonnefoy j mansencal de bonnefoy ]x[ de bonnefoy ainsin  
signes a( )la cede originelle et moy jean massiot notaire royal  
dudict th(ou)l(ouse) qui requis ay rettenu et expedie le presant instrument  
en foy de( )quoy me suis soubzsignes (*sic*) massiot not(air)e royal signe

Et le **vingt septiesme** jour du mois de **mars mil cinq cens**  
**quatre vingtz sept** appres midy en **th(ou)l(ous)e** et dans la **mayson dudict**  
**sieur de bilheres** en la presance de moy notaire royal et tesmoingz baz  
nommes establis en leurs personnes lesd(its) bonnefoy seigneur de  
bilheres et damoyselle marthre de potier maries lesquelz de leur gred  
bien memoratifz du contenu au precedant instrument de leur mariage  
et de la donation faicte en icell(ui) par ledict de bonnefoy de la moytie  
de tous ses biens presans et advenir en faveur des enfens masles  
decendants de leur dict mariage ou de l( )ung d iceux tel que luy  
plaira choisir et nommer t au(tr)e donation contenue en  
icell(ui) ont voulleu et consanty veullent et consantent que lad(ite)

.....  
vi<sup>c</sup> lxxxvi

donnation soict insignuees et autorisees suivant les ordonnances  
royaux nonobztant que le terme de quatre mois socit passe e(t) finy  
despuis la datte dudict precedant instrument et a ces( )fins pour  
requerir et consantir a( )ladicte insignua(ti)on et authoriza(ti)on lesd(its)  
maries ont faitz et constitues de nouveau leurs mesmes  
procureurs nommes audict presant instrument ausquelz et chescun  
d eux ont donne et donnent plain pouvoir et( )mandement faire toutes  
requisitions et consantementz necessaires promectant avoir le tout  
pour agreable soubz mesme obliga(ti)on subzmissions e(t) serement  
presans m(aîtr)e pierre castanet not(aire) royal e(t) pierre laborie  
clerc de th(ou)l(ouse) soubzsignes a la cede avec lesd(its) maries e(t) moy( )jean  
massiot notaire royal dudict th(ou)l(ouse) requis soubz signe massiot  
notaire royal signe / /

M(aîtr)e dominique maratuech procureur en la court de monsieur le sen(ech)al

de th(ou)l(ouse) et dudict noble jean de bonnefoys escuyer sieur de bilheres  
et ramond lavaur aussy procureur en ladicte court et de( )ladicte  
demoyselle marthre de potier lesquelz chescun pour sa part  
suyvant leur charge et procuracion cy dessus inceree ont requis  
l'insignation authoriza(ti)on et registre des presans pactes de mariage  
contenens donation en faveur d'icell(ui) et( )parties y comprises  
condampnes a icell(ui) tenir garder et observer de poinct en poinct selon  
sa forme e(t) teneur et le decret et autorite judiciaire y estre interpose  
suyvant les ordonnances faict a th(ou)l(ous)e **le troysiesme** jour du moys  
d( )**apvril mil cinq cens quatre vingtz sept** / maratuech de( )lavaur  
signes ainsin

.....  
attandeu que le roy n'a pour le presant intherestz audict  
instrument de pactes de mariage contenens donation  
n( )empeche l( )authoriza(ti)on insignua(ti)on et reg(ist)re requis  
**faict a ( )th(ou)l(ouse) le troysiesme apvril mil vc lxxx sept** duclis signe

Jean de la valette seigneur de cornusson  
parisot montelz etc a tous ceux qui ses presantes verront  
salut scavoir faysons et attestons huy datte d'icelles a( )l( )issue  
du con(s)e(i)l de n(ot)re court de matin par devant m(aîtr)e francois  
de chappuis juge maige et lieutenant general nee en la sen(echau)cee de  
th(ou)l(ous)e avoir compareu les susd(its) maratuech e(t) lavaur procure(urs)  
en la court de monsieur le sen(ach)al de th(ou)l(ouse) et des parties  
suz nommees lesquelz chescun faysant pour la sciencie  
repreuant elurs requi(siti)ons cy dessus transcriptes ont perciste en  
icelles si que ouy sur ce et consantant le procur(eur) du roy en lad(ite) sen(echau)cee  
par ledict chappuis juge maige a este ordonne que le  
presant instrument de pactes de mariage ]estœiet[ contenant donna(ti)on  
estoict authorize et seroict insignue et registre ez registres de n(ot)re  
court y interposant le decret et autorite judiciaire lequel registrem(ent)  
despuis faict a este comme de ce plus a( )plain les registres  
d( )icell(e) n(ot)re dicte court attestons en tesmoing de quoy avons faict  
expedier cesd(ites) presantes signes e(t) scellees **faict a th(ou)l(ous)e**  
**le troysiesme jour du moys d( )apvril mil cinq cens quatre vingtz**  
**sept**